

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. Vtrum intellectus per propositionem objecti moveat voluntatem in genere causæ efficientis?

[urn:nbn:de:hbz:466:1-77355](#)

Supplet vices alicujus cause creatae, sed gerit A
minus causa primae, & motoris generalis.

Objicies tertio, & simul intabas contra præcedentem solutionem. Homo potest peccare in primo instanti usûs rationis: Ergo non movetur specialiter à Deo ad primam intentionem finis, quam elicit initio vite moralis. Consequentia patet, aliás peccatum refundetur in Deum; hac enim ratione probant Thomistæ cum S. Doctore i. p. quæst. 63. art. 5. Angelos non potuisse peccare in primo instanti creationis, quia cum Deus specialiter moveat ad primam operationem, peccatum Deo ut auctori aut motori speciali tribueretur. Antecedens vero probatur ex D. Thoma infra quæst. 89. art. 6. ubi docet peccatum originale nusquam posse cum solo veniali reperi: quia si homo in primo instanti usûs rationis convertatur in Deum, justificabitur à peccato originali; si verò non convertatur, peccabit mortaliter; primum enim quod occurrit homini attingenti usum rationis, est bene disponere de sciplo.

32. Respondeo, distinguendo Antecedens: homo potest peccare in primo instanti usûs rationis, si intelligatur de primo instanti initiativo attингentie usûs rationis, nego Antecedens: si de terminativo, concedo Antecedens, & nego Consequentiam.

Explicatur solutio: Homo non incipit attingere usum rationis in unico instanti physico, sed in aliqua morula temporis, longiori aut breviori, secundum quod fuerit subtilioris aut tardioris ingenij: cuius ratio est, quia non attingit usum rationis, nisi per discursum formalis, procedendo de cognitione confusa & in communi ad distinctam; & quia omnis temporis morula terminatur duobus instantibus, & ab uno eorum incipi per ultimum non esse, in alio verò consummatur sive completur per primum non esse, cùm dicatur hominem posse peccare in primo instanti usûs rationis, hoc non debet intelligi de primo instanti illius morula, quod dicitur instans initiativum attингentie usûs rationis (in eo enim homo se habet sicut Angelus in instanti creationis, quia ejus intellectus applicatur à Deo ad primum dictamen rectum, ex quo infallibiliter sequitur primus actus rectus voluntatis) sed de alio instanti terminativo illius; quia cùm tunc voluntas supponatur in actu per actum quem ex speciali Dei motione elicit, potest per consilium & deliberationem se applicare ad illud quod voluerit, & consequenter peccare, convertendo se ad bonum utile vel delectabile dissonum rationis: sicut Angelus in secundo instanti creationis peccare potuit, & de facto peccavit, inordinatè appetendo propriam excellentiam; quia tunc plenè potuit deliberare & se movere.

DISPV TATIO VI.

De Modo quo voluntas movetur.

Ad questionem 10. Divi Thome.

D UO sunt tantum principia interna à quibus voluntas movetur, intellectus scilicet & appetitus, ut constat ex supra dictis; & unum extrinsecum, nempe Deus, qui cum solus sit auctor voluntatis creatae, & bonum universale, solus eam mouere ac intrinsecè immutare potest, ut docet S. Thomas qu. prædicti art. 6. unde ut plenè & perfectè modum quo voluntas movetur explicemus, declarandum est, quomodo à tribus illis principiis moveatur?

ARTICVLVS PRIMVS.

Vtrum intellectus per propositionem obiecti moveat voluntatem in genere cause efficientis?

A FFIRMANT Caietanus, Conradus, Medina, & alij ex nostris Thomistis: negant verò Capreolus, Ferrariensis, Bannez, & alij.

s. I.

Duplici conclusione difficultas resolvitur.

D ICO primò: Objectum apprehensum, aut intellectus per apprehensionem objecti, non movere propriè physicè seu effectivè voluntatem.

Probatur primò ex D. Thoma hîc qu. 9. art. 1. ubi dicit: *Objectum movet, determinando actum ad modum principij formalis.* Et i. contra Gentes cap. 72. *Intellectus non secundum modum causæ efficientis & moventis, sed secundum modum causæ finalis movet voluntatem, proponendo ei suum objectum, quod est finis.* Item i. p. qu. 82. art. 4. sic ait: *Aliiquid dicitur mouere dupliciter; uno modo per modum finis.... & hoc modo intellectus movet voluntatem.... alio modo per modum agentis, sicut alterans movet alteratum, & impellens movet impulsum: & hoc modo voluntas movet intellectum, & omnes anima vires.* Ergo ex D. Thoma intellectus, seu objectum cognitum, non movere voluntatem in genere cause efficientis, sed solum in genere cause finalis & formalis extrinsecus.

Respondent Caietanus & Conradus, D. Thomas solum velle quod objectum ut cognitum non sit causa efficientis ut quod volitionis, sicut voluntas est causa efficientis ut quod intellectionis, quatenus applicat intellectum ad intelligendum; non tamen negare quod sit causa efficientis ut quo, tanquam ratio agendi, ultimò complens & determinans voluntatem ad producendam volitionem, quantum ad rationem specificam; quod posterius ipsi solum intendunt.

Sed contra: D. Thomas i. p. quæst. 27. art. 4. docet intellectum ex se non esse constitutum in actu primo, idèque indigere aliquo extrinsecu, nempe specie, quâ compleatur, & in actu

primo constituantur; voluntatem verò ex seipso A esse in actu primo ad volendum, nec egere aliquo extrinseco: Ergo juxta D. Thomam, objectum non solum non est causa efficiens ut quod respectu volitionis, sed nec etiam ratio agendi, & principium quo simul cum voluntate ad volitionem concurrens, ut magis patebit ex dicendis in ultima probatione.

Addo quod, si objectum cognitionis concurreret ad volitionem ut principium quod, & ratio agendi, intellectus ad illam concurreret ut principium quod, eo modo quo voluntas applicando intellectum concurrit ad intellectionem: Sed D. Thomas locis citatis negat intellectum concurrere ad volitionem effectivè, sicut voluntas concurrit ad intellectionem: Ergo sentit objectum cognitionis non concurrere ad volitionem ut rationem agendi, & principium effectivum ut quo.

4. Probatur secundò conclusio ratione: Due potentiae non possunt se invicem movere in eodem genere causa; sic enim essent simul causa & causatum, priores & posteriores in eodem genere causa, quod repugnat: Sed voluntas est principium movens efficienter intellectum, cùm ipsum applicet ad agendum, ut vidimus disputatione precedenti: Ergo intellectus non potest movere voluntatem in genere causæ efficiens, sed solum in genere causa formalis & finalis. Unde D. Thomas i. p. quæst. 82. art. 4. objicit sibi secundo loco. *Movens non movetur à moto, nisi forè per accidens: Sed intellectus movet voluntatem.... Ergo non movetur à voluntate.* Cui argumento responderemus, *quod intellectus alio modo movet voluntatem, quam voluntas intellectum, ut jam dictum est, in corpore scilicet articuli, ubi (ut suprà vidimus) docet intellectum movere voluntatem per modum finis, quia movet ostendendo ei bonum, quod eam allicit ad sui amorem; voluntatem verò intellectum movere per modum agentis & impellentis, quia ipsum applicat ad agendum.*

D Respondent aliqui, nullam esse repugnantiam quod voluntas & intellectus se moveant ad invicem in eodem genere causæ efficiens, quia se diversimodè movent; nam intellectus movet efficienter voluntatem, quantum ad specificationem; voluntas autem movet intellectum, quoad exercitium.

Sed præterquam quod hæc responsio non est conformis menti S. Doctoris, qui ut ostendimus, ab hac difficultate non aliter se expediret, quām recurrendo ad diversa genera motionis & causalitatis, facile potest confutari. Impossibile enim est quod idem respectu ejusdem, etiam secundum diversas rationes, simul sit causa & effectus in eodem genere causa verè efficiens: Ergo repugnat quod intellectus & voluntas se moveant ad invicem in genere causæ efficiens, quamvis intellectus moveat quoad specificationem, & voluntas quantum ad exercitium. Consequentia patet, Antecedens probatur. Causa efficiens, inquantum hujusmodi, est simpliciter prior quām ejus effectus, quia unumquodque operatur inquantum est actu: Ergo esse ejusdem causa efficiens nullo modo potest à suo effectu produci aut pendere in genere causæ efficiens; quod enim jam est in suo esse constitutum, non potest efficienter ab alio produci, aliás bis produceretur, quod non est possibile.

Tom. III.

Tertiò suaderetur conclusio: Appetitus naturalis lapidis v. g. fertur in suum finem, id est in centrum, sine hoc quod centrum moveat effectivè lapidem, sed effectivè moveatur à suo gerante ut principio quod, à gravitate autem ut principio quo instrumentalis: Ergo similiter appetitus elicitus non movebitur à fine & objecto efficienter, sed finaliter & specificativè; in hoc enim non appareat discrimen inter appetitum elicitum & naturalem.

Denique probari potest conclusio ratione fundamentali. Si objectum cognitionis simul cum voluntate effectivè ad volitionem concurreret,

B maximè in ratione principij quod, seu ut ratio agendi, sicut species intelligibilis simul cum intellectu concurreret ad intellectionem: Sed non potest concurrere per modum principij quod ad actus voluntatis: Ergo non concurreret effectivè ad volitionem. Major est præcipuum fundamentum adversa sententia. Minor autem sic ostenditur: Principium quod seu ratio agendi est intrinseca potentia seu agenti, ut inductione patet; nam calor qui est principium quod calefaciendi, est intrinsecus igni; potentia generativa generanti; & species impressa, quæ est principium quod intellectionis, in intellectu recipitur: Atqui objectum cognitionis non afficit intrinsecè voluntatem, nec in ea recipitur, sed in intellectu, mediante specie intelligibili: Ergo non potest concurrere per modum principij quod ad volitionem, sed solum ad intellectum, & productionem verbi.

C Confirmatur: Illud est ratio agendi, cui terminus per actionem productus assimilatur: Sed terminus productus per intellectionem, scilicet verbum, assimilatur objecto, cùm sit ejus similitudo formalis; terminus autem productus per volitionem, non assimilatur objecto, sed magis ipsi voluntati; cùm ille nihil aliud sit quām impulsus & inclinatio actualis in objectum, sicut voluntas est inclinatio in actu primo: Ergo objectum est ratio agendi respectu intellectus, non autem respectu voluntatis.

Respondent Adversarij, objectum cognitionis, etiam si non afficiat intrinsecè voluntatem, nec in ea subiectetur, posse efficienter concurrere ad ejus actus, per modum principij quod, & illi esse rationem agendi; quia non requiritur formam & rationem agendi, esse conjunctam cum potentia operativa, dummodo sit in eadem essentia animæ.

E Sed contra: Non solum principium radicale & remotum debet intrinsecè compleri, sed etiam proximum, quando est impotens & incompletum in actu primo; propterea siquidem non solum datur gratia in anima, sed etiam habitus supernaturales in intellectu & voluntate ponuntur, ut possint elicere actus supernaturales: Sed voluntas est impotens ad operandum, seu ad atttingendum rationem specificam suæ operationis; completur verò per objectum, ut volunt Adversarij: Ergo objectum debet esse intrinsecum voluntati, & non solum essentia animæ.

F Confirmatur: Quod est impotens, non potest fieri potens, nisi intrinsecè mutetur; quia denominatio potens est intrinseca, unde necessario debet peti à forma intrinseca: ex quo principio probant communiter Thomistæ necessitatem præmotionis ad operandum, luminis gloriae ad videndum Deum, motionis in instrumento ad effectum causæ principalis producen-

T ij

dum: Ergo si voluntas de se sit impotens ad attingendam rationem specificam suarum operationum, ut fiat intrinsecè potens, debet intrinsecè mutari, & per consequens id quod est illi ratio agendi, debet ipsi esse intrinsecum, & in ea immediate recipi, & non solùm remotè & mediata.

12. Dixi autem, in conclusione, intellectum non movere propriè physicè voluntatem, seu vera & reali efficientia physica, quia cum hoc stat quod alio modo dicatur eam activè movere: sicut enim rationem causæ materialis non solùm habet id quod aliquid in se recipit, sed etiam illud omne quod per modum conditionis aut dispositionis conductus ad receptionem; ita etiam non solùm quod per veram actionem influit in aliquem effectum, habet rationem causæ efficiens; sed etiam quicquid ad efficiendum conductus per modum conditionis, vel dispositionis, aut hujusmodi, ad ejusdem genus causæ reducitur: & sic non mirum si actum intellectus proponentem objectum voluntati, & media objecti propositione eam ad speciem actus determinantem, asseramus esse quodammodo principium activum actus voluntatis; quia licet per veram actionem in eam non influat, conductus tamen ad hoc ut elicitur à voluntate.

13. Dico secundò: Objectum apprehensum, aut intellectum, per apprehensionem objecti, movere voluntatem in genere causæ finalis, & formalis extrinsecæ. Ita D. Thomas locis suprà reatis, & alij Theologi communiter.

Probatur prima pars: Objectum propositum movet voluntatem, inquantum est bonum: Ergo in eo genere causæ movet, in quo bonitas potest movere: Sed bonitas movet in genere causæ finalis, alliciendo appetitum ad sui amorem & desiderium: Ergo & objectum apprehensum.

Secunda etiam pars suadetur: Cùm voluntas ex se sit indifferens & indeterminata ad elicendum actum hujus vel illius speciei, v. g. actum amoris vel odii, fugæ vel desiderij; ut hunc potius quam illum producat, indiget aliquà formâ quam extrinsecè determinetur: Sed talis forma extrinsecæ, nulla alia esse potest, quam objectum propositum ab intellectu: Ergo objectum cognitum movet & determinat voluntatem in genere cause formalis extrinsecæ. Unde Divus Thomas infrà qu. 18. art. 2. ad 2. sic ait: Objectum non est materia ex qua, sed materia circa quam: & habet quodammodo rationem forma, inquantum dat speciem.

S. II.

Solvuntur objectiones.

14. CONTRA primam conclusionem objici solent plura S. Doctoris testimonia, quibus videtur asservare objectum cognitum activè influere in volitionem: Nam infrà qu. 22. art. 3. ad 2. ait: Objectum appetitus intellectivi esse magis activum, quam objectum appetitus sensitivi. Et 1. p. qu. 82. art. 3. ad 2. Intellectus est prior voluntate, sicut motivum mobili, & activum passivo: bonum enim intellectum movet voluntatem. Et qu. 80. art. 2. dicit, Potentiam appetitivam esse potentiam passivam, que nata est moveri ab objecto appreheenso. His addi potest celebre illud Commentatoris effatum 3. de anima textu 55.

A quô asservit balneum extra animam movere vires sensitivas (visum scilicet & tactum) sed balneum intra animam, esse agens desiderium.

Pro hujus argumenti solutione advertendum est, quod quamvis activum & agere propriè & strictè dicantur solùm de causa efficiente, tamen sape confunduntur cum aliis causis, & qualibet causa dicuntur agere suo modo; ut notavit S. Thomas quæst. 22. de verit. art. 12. & i. p. qu. 48. art. 1. ad 4. ubi ait, quod agere tribus modis accipi potest, primum formaliter, ut cùm albedo facit album; secundò efficienter, ut cùm pictor facit tabellam; tertio finaliter, sicut finis dicitur efficere, móvendo efficientem. Cùm ergo D. Thomas asservit bonum apprehensum esse activum respectu voluntatis, & Commentator, ait balneum intra animam esse agens desiderium, loquuntur in hac ampla significacione, quâ agere vel activum dicitur de quolibet genere causæ, & intelligi debent de causalitate activa lato modo sumpta, & prout comprehendit motionem finalem & formalem extrinsecam, aut de efficientia morali. Similiter cùm S. Doctor appellat voluntatem potentiam passivam, quæ nata est moveri ab objecto, loquuntur de passione metaphorica, correspondente causalitatibus finis, quæ dicitur actus seu motio metaphorica. Unde quæst. 22. de veritate art. 12. tertio loco sibi objicit: Omnis potentia passiva moveretur à suo objecto: Sed voluntas est potentia passiva, est enim appetitus movens motum, ut dicitur 3. de anima. Ergo moveatur à suo objecto; sed objectum ejus est bonum intellectum: ergo intellectus movet voluntatem. Cui arguendo respondet, quod ratio illa ostendit quod intellectus movet per modum finis; hoc enim modo se habet bonum apprehensum ad voluntatem.

Objicies secundò: Verbum in Divinis influit activè propriè in amorem, nam Spiritus Sanctus procedit activè à Filio secundum fidem; unde D. Thomas i. p. qu. 43. art. 5. ad 2. Filius est verbum, non qualcumque, sed spirans amorem: Ergo etiam in nobis verbum seu conceptio intellectus effectivè spirat amorem in voluntate. Consequenter probatur: Tum quia Theologi i. p. qu. 36. art. 2. ex eo probant cum S. Thoma, Spiritum Sanctum procedere à Filio, quia est de ratione amoris ut sic, activè procedere à verbo: Tum etiam, quia Verbum Divinum est per se subsistens, creatum verò est accidentis: subsistens autem addita causa, non variat genus causalitatis, quamvis variet causandi modum; nam si calor subsisteret sine limitativo, nihilominus activè calefaceret, uti modò, quamvis tunc operaretur ut quod, ex eo quod esset subsistens, nunc verò solùm sit agens ut quo: Ergo si Verbum in Divinis activè influat ut principium quod in amorem, debet etiam in creatis activè in eum influere, saltem ut principium quo.

Respondeo concesso Antecedente, negando Consequentiam: nam quia de ratione amoris est quodammodo activè, saltem lato modo, procedere à verbo, ut suprà diximus, Verbum Divinum elevans omnes conditiones verbi ad esse perfectissimum, ex eo quod sit subsistens & infinitum, habet activè influere propriè & ut quod in amorem. Ex quo patet ad utramque probationem: infinitas namque & subsistens non variant genus causæ quod convenit verbo, sed illud elevant ad summum perfectionis gra-

dum; unde cùm in verbo creato sit imperfectus ratio principij activi amoris, oportet quod perfectissimè reperiatur in Verbo Divino.

Addo, ex eo quod Verbum Divinum per se subsistat, sequi quod habeat ordinem originis cum Spiritu Sancto; quem ordinem non habet, nisi esset principium productivum illius; verbum autem creatum non habet hunc ordinem cum amore. Item Verbum Divinum, cùm sit infinitum, & Patri consubstantiale, habet eandem voluntatem, & per consequens eandem virtutem spirativam, quam Pater; quod non habet verbum creatum: & ideo non mirum, si illud sit principium productivum amoris, non verò istud. Unde

Secundò responderi potest, quod licet subsistentia ut sic non variet genus causandi vel influendi, benè tamen subsistentia, quatenus est divina, & infinita: nam sicut facit Verbum Divinum personam Patri coqualem & consubstantialem, ita facit ut unà cum illo activè producatur amorem personalis.

18. Objecies tertio: Voluntas sapè raptur efficacissime à bono apprehenso, & in illud fertur necessariò, ut patet in motibus primò-primis, & in amore beatifico: At hæc necessitas nequit intelligi absque effectiva motione: Ergo voluntas activè moveretur ab objecto.

Respondeo concessa. Majori, negando Minorem: nam sicut ignis applicatus combustibili necessariò comburit, non ex eo quod moveatur efficiens à combustibili, sed à determinatione sue naturæ; ita voluntas necessariò raptur in objectum sibi propositum sine indifferentia, ex sola naturali inclinatione & determinatione sue naturæ, non verò ex eo quod effectiva & quoad exercitium à tali objecto moveatur.

19. Objecies quartò: Imperium est actus intellectus, cùm sit quædam enuntiatio & locutio: Sed illud effectiva movet voluntatem, & alias potentias inferiores, cùm illæ non applicentur ad agendum, nisi per actum imperii, ut infra declarabitur: Ergo intellectus effectiva movet voluntatem.

Respondeo, imperium esse actum intellectus, non simpliciter & absolutè, sed ut moti à voluntate, & ex voluntate præsupposita procedentis; quare licet effectiva moveat voluntatem & alias potentias inferiores, hoc tamen non habet ex propria virtute, sed in vi actus præcedentis voluntatis, virtualiter in eo remanentes: nos autem hic loquimur de intellectu secundum se, non autem secundum id quod participat à voluntate.

20. Objecies ultimò, & est præcipuum adversæ sententia fundamentum: Quamvis voluntas ex se sit sufficienter in actu, quoad exercitium sui actus, quia ipsa est primum movens quoad exercitium, non est tamen sufficienter ex se in actu quoad specificationem sui actus; alijs omnes actus ipsius essent ejusdem speciei, sicut ipsa unius est naturæ; eo proportionali modo, quo omnes actus caloris sunt ejusdem speciei, quia calor ex se est determinatus quoad specificationem sue actionis: Oportet ergo quod detur aliud principium, quod cum ipsa voluntate causet specificationem actus: Sed hoc non potest esse aliud, quam ipsum objectum, ut actu intellectum, sive ut existens in intellectu in ratione termini intellectionis: Ergo illud activè ad specificationem actuum voluntatis concurrit.

A. Huic argumento, quod in hoc certamine veluti Achylles est, respondet negando Antecedens: voluntas enim habet vim completam nemadum ad substantiam suorum actuum, sed etiam ad rationem specificam illorum, vel ex se, vel ex habitibus aut donis ipsi superadditis, tam in ordine naturali, quam supernaturali; & ideo ex parte objecti, seu intellectus proponentis objectum, non requiritur activus influxus, sed solum finalis, objectivus, & formalis. Unde S. Thomas i. p. qu. 27. art. 4. ait: *Hac est differentia inter intellectum & voluntatem, quod intellectus fit in actu per hoc quod res intellecta est in intellectu secundum suam similitudinem: voluntas autem fit in actu, non per hoc quod aliqua similitudo volisti fit in voluntate, sed ex hoc quod voluntas haberet quandam inclinationem in rem volitam.* Quibus verbis aperte declarat, quod cùm cognitio fiat per assimilationem potentiae cum objecto, & sit veluti quidam partus intellectus, ex objecto & potentia, ut ex viro & feminina procedens, debet active procedere ab objecto, intra potentiam cognoscentem, ratione speciei intelligibilis, existente: volitio autem, cùm sit inclinatio actualis & tendentia in objectum, non verò partus illius, non pendet ab objecto ut à principio effectivo ut quo, sed solum tanquam à termino in quem tendit, vel tanquam à forma extrinseca à qua specificatur. Unde non sequitur omnes actus voluntatis esse ejusdem speciei: Tum quia voluntas comparatur ad suas operationes per modum causa æquivoce, quæ licet sit unus speciei, potest tamen effectus specie diversos producere, sicut lux, sol, cælum, & similia cauſant effectus specie diversos: Tum etiam, quia ut actus sint ejusdem speciei, non sufficit eos produci ab eadem causa, sed etiam requiritur ut sit eadem forma specificans; motus enim sursum & deorsum, etiam si aliquando ab eodem motore fiant, specie distinguntur, quia diversos habent terminos à quibus formaliter specificantur: non est autem omnium actuum voluntatis eadem forma specificans, sed diversa, secundum diversitatem objectorum in quæ tendit, & à quibus (ut supra ostendimus) ut à formis extrinsecè specificantibus dependet.

E. Ex dictis inferes, voluntatem non moveri ab appetitu sensitivo physicè & effectivè, sed tantum moraliter & objectivè. Nam, ut disp. præcedenti art. 1. ostendimus, appetitus sensitivus non moveat voluntatem directè & immediate (cùm sit materialis, & objectum ejus sit bonum apprehensum per sensum) sed indirectè tantum & mediare, quatenus scilicet ex affectu ipsius disponitur homo, ut aliquod objectum videatur ei conveniens, si sit conforme illi affectui, vel inconveniens, si sit contrarium; unde moveat voluntatem mediante solum iudicio intellectus, cui objectum ut conveniens vel inconveniens repræsentat: Ergo si iudicium rationis non moveat voluntatem physicè & effectivè, sed moraliter tantum & objectivè, à fortiori appetitus sensitivus illam physicè & activè movere non poterit.